

حقوقى بىلىپلەر مجموعهسى

هر آيك اون بىشنده نشر اولنور

قونشمتوده و یا خود نول مقاوله‌سنده صاحب سفینه‌نك عدم مسموعیت قواعندن استفاده ایتیه‌جکی قید اولندینی صورتده فراغت صریح اولور.

محکمهلرک ضمنی بر فراغتک موجود بولندینی قبول ایتدکلری بر چوق احوال موجوددر. مثلاً:

۱ — امتعه تسلیم ایدلد کدن صکره قبودان و یا صاحب سفینه‌نك حمله‌سی خسار دیده اولان محمله بر تضمینات اعطاسنی وعد ایتلری. [۱]

۲ — قبودانک محمله حمله‌نك کشفنی تکلیف ایتسی. [۲]

۳ — خسارک تثنیتی و تضمینی ضمنتده قبودان ایله محمل یشنده مذاکرات جریان ایتسی کبی حالدرده نقلیه‌جینک عدم مسموعیت اعتراضی سرد ایتمک حقندن فراغت ایتدیکی وارسته ایضاحدر.

حقوق دوتوری

ص. آرالمز

مقرری بیلکیر جمعیتی تبعلرند

پولیچه وچکلرده مرور زمان

حقوقی بیلکیر جمعیتک حقوق مدنیه و تجاریه هیئت علمیه‌سنگ ۵ نیسان سنه ۹۲۸ تاریخده انعقاد ایدن اجتماعنده فریدبک طرفندن اوقونان قنونی روجه‌زیر نشر ایدیورز:

[۱] یازس تمیز محکمه‌سنگ ۷ کانون اول ۱۸۹۲ تاریخلی قراری، دالوز سنه ۱۸۹۳، قسم ۱، صحیفه ۲۰۴؛ روئن محکمه‌سنگ ۱۵ کانون ثانی ۱۸۸۷ تاریخلی قراری، Rev. int. dudr. marit. جلد ۲، صحیفه ۵۵۷؛ هاوره محکمه‌سنگ ۲۷ تشرین ثانی ۱۹۰۷ تاریخلی قراری، عینی مجموعه‌نك ۲۳ نجی جلدی، صحیفه ۶۴۷.

[۲] یازس تمیز محکمه‌سنگ ۱۵ تموز ۱۸۷۲ تاریخلی قراری، دالوز، سنه ۱۸۷۳، قسم ۱، صحیفه ۱۵۰، مارسلیا محکمه‌سنگ ۱۶ کانون ثانی ۱۸۸۷ تاریخلی قراری، Rev. int. du dr. marit. جلد ۲۳، صحیفه ۲۲۸؛ آئودرس محکمه‌سنگ ۱۷ تشرین ثانی ۱۹۱۰ تاریخلی قراری، عینی مجموعه‌نك ۲۷ نجی جلدی، صحیفه ۵۷۲.

اگر قبودان ایله محملک بالاتفاق تعیین ایتدکلری و یا خود محکمه‌نك رأساً توظیف ایتدیکی اکسپر حوله‌نی قبل التسلیم معاينه و خسارک مقدارینی تثبیت ایتش ایشه قبودان (سیغورطه‌جی) طرفندن سرد ایدیلن عدم مسموعیت اعتراضی دخی شایان الثقات دکلدز. (تجارت قانونک ۹۲۱ نجی ماده‌سی؛ آئوده‌س محکمه‌سنگ ۳ شباط ۱۹۲۳ تاریخلی قراری، مقایسه‌لی تجارت بحریه مجموعه‌سی جلد ۳، صحیفه ۲۵۹.

بومحک برقات دها تعمیق تقرر ایتدیکنندن مذکور هیئت علمیه‌نک واصل اوله‌جنی نتیجه کله‌جک نسخه‌لرمزده نشر ایدیه‌جکدر :

تجارت قانوننک پولیچه، امره محرر سندات وچکلرک مرور زمانه متعلق احکامی میاننده ۵۹۸نجی ماده‌سی ایله ۶۳۴نجی ماده‌سندہ کی « جبرانطه‌لرک یکدیگری وکشیده‌جی علیه اقامه ایده‌جکلری رجوع دعوالرینک جبرانطه‌نک پولیچه‌نی ویا چکی تأدیہ ایتدیکی ویاخود کندی علیه‌ندہ دعوی اقامه اولندی‌نی تارنجدن اعتباراً آتی آی مروریه » ساقط اوله‌جندن‌باحث بولان فقره‌سی، مرور زمان مدتنک جبرانطه‌لرک عددی مقدارنجه‌اوزایوب اوزامیه‌جنی حقنده ترده محل ویرمشدر. مسئله‌نک تدقیق ایچون اولا پولیچه وچکلرک مرور زمانه متعلق احکام قانونیه‌نی de l'age lata مقایسه‌لی برصورتده کوزدن کچیرم:

۱ — تجارت قانوننک پولیچه‌یه متدائر احکامی، ۱۹۱۲ سنه‌سندہ انعقاد ایدن لاهی قونفرانسنک پولیچه احکامنک توحیدی حقنده کی مقرراتنه ملحق لایحه‌دن همان عیناً آلمشدر. بولایه‌نک ۷۰نجی ماده‌سی، تجارت قانوننک پولیچه‌لرک مرور زمانه عائد بولان ۵۹۷نجی ماده‌سینک منبعی تشکیل ایلکده‌در. لاهی لایحه‌سی بوخصوصده آلمان پولیچه‌قانوننک ۷۷-۸۰نجی ماده‌لری ایله‌ایلک وضع ایدلمش اولان وبالاخره اوستریا، مجارستان، اسقاندیناویا، ژاپونیا، بوسنه، بلغارستان وینلاندا قانونلرنده تعقیب ایدیلن طوغریدن طوغری‌یه مطالبه‌حق ایله رجوع‌حق بیننده تفریق اساسی قبول ایدیور. انکلیز وفرانسز حقوقیه فرانسز حقوقنک تحت تأثیرنده تکمل ایدن بلجیقا و صربستانده وایتالیا، رومانیا، پورتکیز، پرو، ونه‌زوئلا وسان سالوادورده ایسه پولیچه‌دن طولایی مسئول وضمن اولانلرک کافه‌سنه قارشی مرور زمان مدتی بلا تفریق ۶، ۵، ۴ ویا ۳ سنه اولق اوزره تثبیت ایدلمشدر.

فقط فرانسه، بلجیقا وایتالیاده اولدیی کی بوملکترک بر جوغنده رجوع حقنک استعمالی ایچون پروتستو کشیده‌سندن ماعدا جغرافی وضعیه کوره اون بش کون ایله ایکی سنه آواسنده تبدل ایدن برمدت ظرفنده رجوع دعواسی اقامه‌سی مشروطدر. عکسی تقدیرده رجوع‌حق ساقط اولور [۱].

[۱] برحقنک سقوطی ایله برحقدن تولد ایدن مطالبه و دعوی حقنده anspruadis مرور زمانه اونگرامی بیننده کی فرق اهمیت و مرور زمانه برشی ساقط اولایوب یالکز مرور زمانک اساساً بحق اولان بر دعوایه قارشی مدعی علیه اختیارنه یراقلمش بر دفع دعوی سلاحدن exceptis عبارت

آ — طوغریدن طوغری به مطالبه حق (direkter anspruch)، پولیچه‌ی قبول ایدن و یا امره محرر سندی تنظیم ایلدین کیسه‌یه قارشی برای تأدییه واقع اولان مراجعتدر. بومطالبه حق ایچون پولیچه‌نک وعده‌سی حولندن اعتباراً حساب ایدمک اوزره اوچ سنه‌ک برمرور زمان مدتی وضع ایدلمشدر.

پولیچه‌لرک وعده‌سی یا متن سنده تعیین ایدلمشدر و یاخود پولیچه‌نک ابرازنده و یا ابرازندن معین بر مدت صوکر تأدییه‌سی مشروطدر. (ماده ۵۵۸). ابرازندن اعتباراً معین بر مدتدن صوکره تأدییه‌سی مشروط اولان پولیچه‌لرک ۵۴۸ نجی ماده موجب‌جه تاریخلندن اعتباراً آلتی‌آی ظرفنده ابرار ایدملری لازم کلیر. آنجاق کشیده‌جی بومدتی آرتوب تمدید ایدمبیله‌جکی کبی مذکور مدت جیرانطه‌لر طرفندن ده قیصالتیله‌بیلیر. کورلدیکنده تأدییه‌سی لازم کلن پولیچه‌لرکده یا مشروط بولنان مدتلر ظرفنده و یاخود بوخصوصده بر شرط موجود دکلسه، ابرازندن معین بر مدت صوکر تأدییه‌سی لازم کلن پولیچه‌لرکبی، تاریخلندن اعتباراً آلتی‌آی ظرفنده ابراز ایدملری ایجاب ایدر (ماده ۵۵۹). بومدک اقتضاسی اوزرینه بوقیل پولیچه‌لر ابراز ایدلش عد اولنورلر (ماده ۵۷۹). بناء علیه بوصورتله مرور زمان باشلامش اولور.

ب — رجوع حق (Regressanspruch) حاملک مخاطبدن پولیچه بدلنی استیفا ایدمه‌مسی تقدیرنده جیرانطه‌لرله کشیده‌جیه اولان مراجعتلری و پولیچه بدلنی تأدییه‌یه مجبور اولان جیرانطه‌لرک یکدیگری و یا کشیده‌جی علیهنده واقع اولان دعوالریدر. حامل ایله جیرانطه‌لرک اقامه ایدمچکری دعوالر ایچون ۵۷۹ نجی ماده‌نک ایکنجی فقره‌سنده آیری‌آیری مرور زمان مدتی وضع ایدلمشدر. حاملک جیرانطه‌لر و کشیده‌جیه قارشی اولان رجوع دعواسی بر سنده و جیرانطه‌لرک یکدیگری علیهنه و یا کشیده‌جیه قارشی رجوع دعوالری‌ده آلتی‌آیده مرور زمانه اوغرار. عینی سیستمی آلمان پولیچه قانوننک ۷۸ و ۷۹ نجی ماده‌لری ایله اسویجره بورجرل قانوننک، طرفزدن آلمان ۸۰۴ و ۸۰۵ نجی ماده‌لریده کورمکده‌یز، یالکیز مدتلرده فرق وارددر.

اولدینی وبناء علیه کرک تجارت قانوننده و کرک قانون مدتی و بورجرل قانوننده بوخصوصده کوزه چاریان افاده انجاسمزلنی ایله تهرمنولوزیده ناصل بر اهتمام و دقتله جالیشلمی لزومی حقنده‌کی اوزونجه‌استطرا‌دی آرنجه بر مقاله‌ده موضوع بحث ایدم‌جکم.

زده حاملک جیرانطه‌لر و کشیده‌جی علیهنه اقامه ایده‌جکی دعوالر ایچون یا وقت معینده تنظیم اولنمش پروتستو تاریخندن و یاخود پولیچه‌نک «مصرف‌سز اعاده‌سی» مشروط اولدینی تقدیرده وعده‌نک انقضاسی تاریخندن اعتباراً بر سنه و جیرانطه‌لرک یکدیگری و یا بونلرک کشیده‌جی علیهنه اقامه ایده‌جکلری دعوی ایچونده جیرانطه‌نک پولیچه‌نی تأدیه ایتدیکی و یاخود کندی علیهنه دعوی اقامه اولدینی تاریخندن اعتباراً آلتی آی مرور زمان مدتی قبول ایدلمشدر.

آلمان، اسویجره و اسقاندیناویا قانونلرنده مسافیه کوره و فقط بوکونکی وسائط نقلیه سرعتی نظر اعتباره آلفسزین قبول ایدیلن منطقه‌لر ایچون مختلف مدت‌لر وضع ایدلمشدر. آلمان قانوننک مرور زمان مدت‌لری ۳، ۶، ۱۸، اسویجره قانوننک مرور زمان مدت‌لری ۱، ۳، ۱۲ و اسقاندیناویا قانوننک مرور زمان مدت‌لری ۶ ایله ۲۲ آی‌در. محل تأدیه و یا حق رجوع صاحب‌نک اقامتگاهنه نظراً تفریق ایدیلن بو جغرافی منطقه‌لر ذکر ایدیلن قانونلرده متحد بر صورتده تحدید و تثبیت ایدلمشدر.

وقت معینده تنظیمی موضوع بحث اولان پروتستو، عدم تأدیه پروتستوسیدر. ۵۷۰ نجی ماده‌نک ایکنجی فقره‌سنده مذکور اولدینی وجهله «پولیچه‌نک تأدیه‌سی لازم کلن کونده و یا اونی تعقیب ایدن ایکی ایش کونی ظرفنده» اجرا اولنور. حاملک پروتستونی وقت و زمانیه کشیده ایتمه‌سی، مرور زمانک باشلامسنه خلل کتیرمز. پروتستو مدت قانونیه‌سی ظرفنده کشیده ایدلدیکی تقدیرده کشیده کونی مرور زمان حسابنه داخل دکلدر. (بورجرل قانونی ماده: ۷۶، ۱۳۰).

جیرانطه‌لرک یکدیگری علیهنه بونلرک کشیده‌جیه قارشى اقامه ایده‌جکلری رجوع دعواری آلتی آیده مرور زمانه اوغرار. بومدت جیرانطه‌نک پولیچه‌نی تأدیه ایتدیکی و یاخود کندی علیهنه دعوی اقامه اولدینی تاریخندن اعتباراً حساب ایدیلر.

مرور زمان مدت‌نک جیرانطه‌لره کوره صورت حسابی تردده محل و برمشدر.

بو آلتی آیلقی مرور زمان مدتی هر جیرانطه حقنده یکیدن جریان باشلادینی تقدیرده مرور زمان مدتی جیرانطه‌لرک عددی نسبتنده آرتاجق و امتداد ایده‌جکمیدر؟

مرور زمان مدتی «جیرانطه‌نک پولیچه‌نی تأدیه ایتدیکی و یاخود کندی علیهنه اقامه

دعوی اولوندينی تاريخدن اعتباراً « باشلاياجنه نظر آ شو ايکي سؤالک وضعی ایجاب ايدر: برجيرانطه، وقت پولیچه نی تأديه ايدر؟ ونه وقت برجيرانطه علیه دعوی اقامه اولونور؟ حامل طرفندن ۵۶۳ نجی مادهیه توفیقاً وعده سنده و یا خود وعده کونی تعقیب ایدن ایکی ایش کونی ظرفنده اراز ایدیلن پولیچه تأديه ایدله دیکی تقدیرده مذکور مدتله کشیده ایدله جک عدم تأديه پروتستوسی اوزرینه جیرانطه، ۵۷۰ نجی ماده موجبنجه کفالت متسلسله ایله مسئول و ضامن اولدیغندن رجوعه معروض بولمقده در. بناءً علیه جیرانطه پولیچه نی تأديه ایدله رک ۵۷۶ نجی مادهیه توفیقاً پروتستو ایدیلن پولیچه ایله پروتستونامه و ابرائی حاوی بر حساب ورقه سبک کنديسه اعطاسنی طلب ایدله بیلیر. جیرانطه پروتستو ایدیلن پولیچه نی کنديلیکنندن تأديه ایتیه بوب حامل طرفندن مراجعتی بکله دیکی تقدیرده حاملک پروتستو تاریخندن برسنه لک مرور زمانتی جیرانطه نك آلتی آتی مرور زمان مدته علاوه ایتک ایجاب ايدر. فقط بوصورتله برسنه لک مرور زماندن اول مراجعت ایدن حامله جیرانطه لردن بری پولیچه بدلنی تأديه ایتیه دیکی تقدیرده دیگر جیرانطه لک معروض بولندينی مرور زمان نه صورتله حساب ایدله جکدر ؟

زیرا جیرانطه لک رجوع دعوا لرده مرور زمان، هر جیرانطه ایچون مستقلاً جریان ایتدیکنندن دیگر جیرانطه لره و یا کشیده جیه مراجعت خصوصنده بر جیرانطه یه قارشی باشلايان مرور زمان دیگر جیرانطه نك حق رجوعه عائد مرور زمان ایچون بر تأثیری حائز دکلدیر [۱]. حق رجوعه معروض قالان جیرانطه نك دیگر جیرانطه لره و یا کشیده جیه رجوع ایدله بیلیمسی ایچون کنديسنک معروض بولندينی مرور زمان مدتی ظرفنده حقوق اصول محاکمه لرینه توفیقاً دیگر جیرانطه لره و یا کشیده جیه مراجعت ایتیمی لازم کلیر [۲].

۲ — چکله حقنده قبول غیر جائز اولمقله (ماده : ۶۱۸) پولیچه لر حقنده ذکر ایدیلن برنجی مرور زمانه محل قلمایور.

Rossel, Manuel du Droit Fédéral des obligations II 428 [۱]
p. 260. Schnei der-Fick. Des schneiner sche obligasionenercht, II.

Art. 805, Erl, 13, p. 37a.

Rossel, L. c. Schnei der Fick I. c. [۲]

آ — حاملک جیرانطه لره کشیده جی علیهنده کی دعوالری مدت ابرازک انقضاسندن اعتباراً آلتی آی صوکره مرور زمانه اوغرار . بناءً علیه مرور زمان مدتک بدایتی ۶۲۱ نجی ماده موجبنجه، بسیط بر صورتده حساب ایدیلر .

ب — جیرانطه لره یکدیگرلری و کشیده جی علیهنده کی رجوع دعوالری جیرانطه نکه چکده محرر مبلنی تأدییه ایتدیکی و یاخود کندیسنگ علیهنده دعوی اقامه اولوندینی تاریخدن اعتباراً آلتی آی ختامنده مرور زمانه اوغرامقده در . شو حالده ایکی جیرانطه موجود اولدینی فرض ایدرسه ک حاملک آلتی آی ایله اون کون و یاخود بر آباق اراز مدتیه علاوه آلتی آی داهه ضم اتمک صورتیه ایکنجی جیرانطه علیهنده کی مرور زمان مدتی حساب ایدیلر .

بناءً علیه جیرانطه لره تعددی تقدیرنده مرور زمان مدتی پولیچه لرده اولدینی وجهله او نسبتده آرتاچقدر :

شو صورتیه جیرانطه لره رجوع حق ایچون وضع ایدیلن مرور زمان مدتک کرک پولیچه وامره محرر سنداده و کرک چکلرده جیرانطه لره تعددی نسبتنده حساب ایدلسی لازم کلدیکی نتیجه سینه اصل اولمش اولور . [۱]

حقوق بیلکیلر جمعیتی حقوق مدنییه و تجاریه
انجمنی اعضاسندن

در قنور فریم

[۱] مسئله مقایسه ای بر صورتده کله چک اجتماع ایچون تدقیق و احضار ایدلسکده اولدیفندن بو پروگراماتیک نه تودک کرک de lege lata و کرک de lege feranda نتیجه سی کله چک مقاله یه براقلمشدر .